

VENDIM
Nr.439, datë 28.6.2006

**PËR MARRJEN E MASAVE PËR ZBATIMIN E STUDIMIT TË REFORMËS SË
KËRKIMIT SHKENCOR, PJESE E RRJETIT TË INSTITUTEVE TË MINISTRIVE TË
LINJËS**

Në mbështetje të nenit 100 të Kushtetutës, me propozimin e Zëvendëskryeministrit, Këshilli i Ministrave

VENDOSI:

1. Ministria e Ekonomisë, Tregtisë dhe Energjetikës, Ministria e Punëve Publike, Transportit dhe Telekomunikacionit, Ministria e Bujqësisë, Ushqimit dhe Mbrojtjes së Konsumatorit, Ministria e Turizmit, Kulturës, Rinisë dhe Sporteve dhe Ministria e Mjedisit, Pyjeve dhe Administrimit të Ujërave të marrin masat e nevojshme për zbatimin e studimit të reformës së kërkimit shkencor, sipas tabelave të aneksit 1, që i bashkëlidhet këtij vendimi.

2. Ministritë e përmendura në pikën 1 të këtij vendimi të paraqesin për miratim, në Këshillin e Ministrave, paketën e plotë të hollësishme për riorganizimin institucional të institucioneve të kërkimit shkencor në varësi të tyre, si më poshtë vijon:

- për projektligjet afati i fundit i paraqitjes së tyre të jetë data 22 korrik 2006;
- për projektvendimet afati i fundit i paraqitjes së tyre të jetë data 7 korrik 2006.

3. Ngarkohen ministritë e përmendura për zbatimin e këtij vendimi.

Ky vendim hyn në fuqi menjëherë.

KRYEMINISTRI
Sali Berisha

REKOMANDIME PËR RIORGANIZIMIN INSTITUCIONAL TË INSTITUTEVE TE MINISTRIVE TE LINJES

INSTITUTI	PROPOZIMET KONKRETE PËR REFORMIMIN E INSTITUCIONIT KËRKIMOR	PROPOZIMET KONKRETE PËR INSTITUCIONIN E RI OSE ATË PRITËS
<u>MINISTRIA E EKONOMISË, TREGTISË DHE ENERGETIKES (METE)</u> 1. SHËRBIMI GJEOLLOJIK SHQIPTAR (ShGjsh), TIRANË	- Propozohet që të reformohet tërësisht për të kryer vetëm funksione shërbimi, këshillimi dhe transferimi të teknologjisë në fushat e gjeologjisë dhe pasurive natyrore sipërfaqësore dhe nëntokësore të territorit të Shqipërisë. Njësitë që den tani kanë kryer kërkim shkëputen nga ky institucion dhe kalojnë pranë Universitetit Politeknik të Tiranës. - Ky shërbim do të përfaqësohet në qendër me një Drejtori të Përgjithshme. - Shërbimi do të de-koncentrohet duke u organizuar në Divizione Rajonale të cilat do të varen edhe nga prefekturat. - Krijohet Qendra Kërkimore e Gjeoshkencave (QKGJ) pranë Universitetit Politeknik të Tiranës (UPT). Instituti i Kërkimeve Gjeologjike, Qendra Gjeofizike dhe një pjesë e laboratorëve të Gjeoinformatizimit dhe Publikimeve integrohen ne QKGJ pranë UPT.	Qendra Kërkimore e Gjeoshkencave (QKGJ) ngrihet pranë UPT. Kjo Qender do te perbehet nga departamentet e Gjeologjise, Sizmikes, Hidrologjise dhe Meteorologjise.

INSTITUTI	PROPOZIMET KONKRETE PËR REFORMIMIN E INSTITUCIONIT KËRKIMOR	PROPOZIMET KONKRETE PËR INSTITUCIONIN E RI OSE ATË PRITËS
<u>METE</u> 2. QENDRA KOMBËTARE SHKENCORE E HIDROKARBUREVE (QKSHH)- FIER	Sektorët që kryejnë kërkim shkencor kalojnë në QKGJ pranë UPT. Sektorët e tjerë kalojnë në Divizionet Rajonale të Shërbimit Gjeologjik pranë Prefekturave Fier, Berat dhe Vlore. Dokumentacioni shkencor transferohet në Arkivin Shtetëror të Gjeologjisë në Tiranë.	Qendra Kërkimore e Gjeoshkencave (QKGJ) ngrihet pranë UPT.
<u>METE</u> 3. INSTITUTI I TEKNOLOGJISË SË NXJERRJES DHE PËRPUNIMIT TË MINERALEVE, TIRANË	Të riorganizohet si AGJENCIA SHTETERORE E BURIMEVE MINERALE DHE ENERGJITIKE (ASHBME) pranë METE. Në këtë agjenci duhet të përfshihet edhe AGJENCIA KOMBETARE E HIDROKARBUREVE. Bazuar në misionin e ri të kësaj Agjencie, laboratorët e këtij Instituti kalojnë në Qendren e Gjeoshkencave pranë UPT.	ASHBME të përbëhet nga 3 departamente: • Departamenti i Mineraleve • Departamenti i Hidrokarbureve • Departamenti Hidroteknik Misioni i kësaj Agjencie duhet të jetë mbikqyrja e aktiviteteve tekniko-ekonomike për burimet minerale, ato të hidrokarbureve (naftë dhe gaz) si dhe burimet hidroenergjitike (hidrocentrale).
<u>METE</u> 4. INST. I STUDIMEVE & PROJEKTIMEVE TE INDUST. LEHTE, TIRANË	Ristruktohet dhe i bashkëngjitet Inspektoriatit Qendror Teknik.	
<u>METE</u> 5. INST. I MEKANIKES & DRURIT, TIRANË	Shkrihet si institut.	
<u>METE</u> 6. INST. I METALURGJISE, ELBASAN	Shkrihet si institut.	

INSTITUTI	PROPOZIMET KONKRETE PËR REFORMIMIN E INSTITUCIONIT KËRKIMOR	PROPOZIMET KONKRETE PËR INSTITUCIONIN E RI OSE ATË PRITËS
MINISTRIA E PUNEVE PUBLIKE (MPPTT) 7. INST. I NDERTIMIT, TIRANË	Bashkohet me Dept. e Ndërtimit të Fakultetit të Ndërtimit, të UPT.	
MPPTT 8. INST. I URBANISTIKES, TIRANË	Bashkohet me Dept. e Arkitekturës dhe Urbanistikës në Fak. e Ndërtimit, UPT.	
MPPTT 9. INST. I TRANSPORTIT, TIRANË	Mbetet në MPPTT si njësi shërbimi.	
MINISTRIA E MJEDISIT, PYJEVE & ADMINISTRIMIT TE UJRAVE (MMPAU) 10. INSTITUTI I MJEDISIT, TIRANË	Krijohet Ajencia e Mjedisit & Pyjeve në varësi të MMPAU. Ajo përfshin Inst. E Mjedisit dhe atë të Pyjeve dhe Kullotave. Misioni i saj do të jetë mbështetje teknike dhe këshillim i ministrisë në fushën e mjedisit dhe pyjeve.	Kërkimi shkencor në fushën e mjedisit do të jetë misioni i Qendrës Kërkimore të Energjise dhe Mjedisit (QKEM) , e cila do ngrihet pranë Universitetit Politeknik të Tiranës.
MMPAU 11. INSTITUTI I KËRKIMIT TË PESHKIMIT, DURRËS	- Instituti dhe stacioni i tij në Tapizë bashkohen me Seksionin e Aqualkulturës të Dept. të Prodhimit Shtazor të Fakultetit të Bujqësisë, të UBT. Stacionet eksperimentale në Lin (Pogradec) dhe Zvezdë (Korçë) bëhen pjesë të Agjencive Rajonale të Mjedisit dhe kanë si mision ruajtjen e peshqve të rrezikuar.	Ky departament do të promovojë kërkimin shkencor në fushën e aqualkulturës dhe peshkimit si dhe formimin e studentëve dhe shkencëtarëve të rinj në këto fusha përmes moduleve në studimet Bachelor, kurseve të pëta të Masterit si dhe doktoratave.
MMPAU 12. INSTITUTI I KËRKIMEVE PYJORE DHE KULLOTAVE, TIRANË	Instituti transformohet në një njësi shërbimi dhe këshillimi në përbërje të Agjencisë së Mjedisit & Pyjeve (shih më lart). Stacionet ekzistuese të këtij instituti kalojnë në varësi të drejtorive të shërbimit pyjor në rrethe.	

INSTITUTI	PROPOZIMET KONKRETE PËR REFORMIMIN E INSTITUCIONIT KËRKIMOR	PROPOZIMET KONKRETE PËR INSTITUCIONIN E RI OSE ATË PRITËS
<u>MINISTRIA E BUJQËSISË, USHQIMIT DHE MBROJTJES SË KONSUMATORIT (MBUMK)</u> 13. INSTITUTI KËRKIMIT TË BIMËVE TË ARAVE, FUSHË KRUJË	-Kthehet në Qendër Këshillimi dhe Transferimi të Teknologjisë e MBUMK, në Fushë Krujë . Bashkëpunon me UBT, mbi bazën e kontratës për praktikant e studentëve. -Stacioni i këtij instituti në Korçë bashkohet me Stacionin e bagëtive të Imta, aktualisht pjesë e Institutit të Zooteknisë, për të formuar Qendrën e Këshillimit dhe Transferimit të Teknologjisë e MBUMK, në Korçë. Këto qendra duhet të mbështeten me një buxhet shumë të kufizuar nga MBUMK dhe pjesën më të madhe të veprimtarisë duhet ta mbështesin në të ardhurat që thithin.	Qendrat e Këshillimit dhe Transferimit të Teknologjisë do të kenë si detyra kryesore: • Këshillimin dhe transferimin e teknologjive të reja në ferma; • Kualifikimin e vazhduar të specialistëve të bujqësisë dhe sektorit rural; • Kualifikimin praktik të fermerëve të rinj dhe studentëve të shkencave bujqësore; • Pilotimin e teknologjive të reja njëherë në Qendër dhe pastaj përhapjen e tyre në ferma, cka i jep atyre edhe rolin e "Fermës model". • Mbështetjen me informacion të politikëbërjes nga ana e MBUMK në fushën e bujqësisë, ushqimit, mbrojtjes së konsumatorit dhe zhvillimit rural. MBUMK përcakton misionin dhe detyrat si dhe përgatit strukturën dhe organikën për qendra e sipërpërmendura.
<u>MBUMK</u> INSTITUTI I KËRKIMIT TË USHQIMIT (IKU), TIRANË	-Instituti integrohet së bashku me Institutin e Veterinarisë në Institutin e Sigurisë Ushqimore, Mbrojtjes së Konsumatorit dhe Shëndetit të Kafshëve pranë MBUMK (sot Instituti i Kërkimeve Veterinare, shih më poshtë).	Personeli i nevojshëm integrohet në institutin e ri mbi bazën e organikës së miratuar nga MBUMK.

INSTITUTI	PROPOZIMET KONKRETE PËR REFORMIMIN E INSTITUCIONIT KËRKIMOR	PROPOZIMET KONKRETE PËR INSTITUCIONIN E RI OSE ATË PRITËS
MBUMK 14. INSTITUTI KËRKIMEVE VETERINARE (IKV), TIRANË	-Bashkohet me Institutin e Kërkimit të Ushqimit për të formuar Institutin e Sigurisë Ushqimore, Mbrojtjes së Konsumatorit dhe Shëndetit të Kafshëve pranë MBUMK. Ky institut bëhet qendra kryesore e kompetencës në fushën e sigurisë ushqimore, kontrollit të cilësive së produkteve ushqimore për njërezit dhe kafshët, kontrollit të barnave veterinarë, kontrollit të pesticideve, kontrollit të produkteve të kozmetikës, përpunimin e programeve për mbrojtjen e shëndetit të kafshëve dhe mbikqyerjen e zbatimit të tyre, mbështetjen e MBUMK për prognozimin e situatave të krizave dhe menaxhimin e tyre . Bashkëpunon me kontratë me UBT në fushat e sigurisë ushqimore dhe shëndetit të kafshëve.	Në funksion të këtij riorientimi MBUMK dhe instituti duhet të ri-definojnë fushën e veprimtarisë së institutit dhe të rishikojnë strukturën dhe organikën e tij, në përputhje me modelet e institucioneve homologe të vendeve të tjera.
MBUMK 15. INSTITUTI KËRKIMEVE ZOOTEKNIKE (IKZ), TIRANË	-Instituti së bashku me Stacionin racor të gjedhit integrohet në Qendrën e Këshillimit dhe Transferimit të Teknologjisë të MBUMK në Fushë Krujë. -Godina dhe trualli i IKZ i kalojnë UBT. -Trualli i Stacionit Racor të Gjedhit, Tiranë mbetet për tu përdorur për qëllime publike. -Stacioni i Bagëtive të Imta, Korçë, bëhet pjesë e Qendrën e Këshillimit dhe Transferimit të Teknologjisë e MBUMK, në Korçë (shih më lart).	
MBUMK 16. INSTITUTI I MISRIT DHE ORIZIT, SHKODËR	-Kthehet në Qendër Këshillimi dhe Transferimi të Teknologjisë në Shkodër, në varësi të MBUMK. Lidh kontratë me UBT për praktikantë e studentëve.	

INSTITUTI	PROPOZIMET KONKRETE PËR REFORMIMIN E INSTITUCIONIT KËRKIMOR	PROPOZIMET KONKRETE PËR INSTITUCIONIN E RI OSE ATË PRITËS
<u>MBUMK</u> 17. INSTITUTI I PENTARISË, VLORE	--Kthehet në Qendër Këshillimi dhe Transferimi të Teknologjisë Vlorë, në varësi të MBUMK. Lidhë kontratë me UBT për praktikant e studentëve. -Stacioni Eksperimental Valias, Tiranë, i kalon Dept. të Hortikulturës të UBT.	Personeli i Stacionit të Vallasit integrohet përmes konkursit në Dept. Hortikulturës të UBT, mbi bazën e organikës së miratuar nga UBT dhe MASH.
<u>MBUMK</u> 18. INSTITUTI MBROJTJES SË BIMËVE (IMB), SHKOZET	-Mbi bazën e këtij instituti dhe të një seksioni ekzistues në Departamentin e Hortikulturës dhe Mbrojtjes së Bimëve të Fakultetit të Bujqësisë të UBT krijohet Departamenti i Shëndetit të Bimëve në Fakultetin e Bujqësisë të UBT. Ky departament të marrë përsipër edhe shërbimet që ofron IMB. -Godinat, trualli dhe toka bujqësore të kalojnë në dispozicion të UBT.	Ky departament do të promovojë kërkimin shkencor në fushën e shëndetit të bimëve si dhe formimin e studentëve dhe shkencëtarëve të rinj në këtë fushë përmes moduleve në studimet Bachelor, kurseve të plota të Masterit si dhe doktoratave. Personeli i IMB integrohet në Dept. Shëndetit të Bimëve të UBT, mbi bazën e organikës së miratuar nga UBT dhe MASH.
<u>MBUMK</u> 19. INSTITUTI PERIME-PATATEVE, TIRANË	-Instituti shkrihet. -Detyrat e këshillimit dhe transferimit të teknologjisë në fushën e perime-patateve bëhen pjesë e detyrave të Qendrës së Këshillimit dhe Transferimit të Teknologjisë në Lushnje. -Godina dhe trualli në dispozicion të Këshillit të Ministrave. -Stacioni eksperimental dhe toka bujqësore në Sellitë, Tiranë, të përdoren për qëllime publike.	- Departamenti i Prodhimit Bimor, UBT, merr përsipër funksionet e kërkimit shkencor në fushën e perime-patateve.

INSTITUTI	PROPOZIMET KONKRETE PËR REFORMIMIN E INSTITUCIONIT KËRKIMOR	PROPOZIMET KONKRETE PËR INSTITUCIONIN E RI OSE ATË PRITËS
<u>MBUMK</u> 20. INSTITUTI STUDIMIT TË TOKAVE, TIRANË (IST)	-Instituti shkohet. -Për qëllime të këshillimit si dhe të monitorimit rutinë në fushën e mbrojtjes së tokës dhe ujitjen, MBUMK mund të krijojë një Seksion për Mbrojtjen e Tokës dhe Ujitjen në përbërjen e Qendrës së Këshillimit dhe Transferimit të Teknologjisë e MBUMK, në Fushë Krujë. -Për promovimin e kërkimit në një fushë kaq të rëndësishme si shkencat e tokës krijohet Departamenti i Shkencave të Tokës në Fakultetin e Bujqësisë të UBT.	Departamenti i Agromjedisit i UBT rishtrukturohet për të formuar Dept. Shkencave të Tokës. Ky departament do të promovojë kërkimin shkencor në shkencat e tokës si dhe formimin e studentëve dhe shkencëtarëve të rinj në këto shkencë përmes moduleve në studimet Bachelor, kurseve të plota të Masterit si dhe doktoratave.
<u>MBUMK</u> 21. ENTI I FARAVE DHE BANKA GJENETIKE, TIRANË	-Departamenti i Entit të Farave mbetet pranë MBUMK. -Departamenti i Bankës Gjenetike përfshihet në Dept. e Prodhimit bimor të UBT.	Departamenti i Prodh. Bimor i UBT rishtrukturohet në Grupe Kërkimore-mësimore për të mundësuar integrimin edhe të këtij sektori. Hartohet organika e re që miratohet nga UBT dhe MASH dhe mbi bazën e saj integrohet me konkurs personeli i bankës gjenetike.
<u>MIN. TURIZMIT, KULT., RINISË & SPORTEVE (MTKRS)</u> 22. INSTITUTI I MONUMENTEVE TË KULTURËS, TIRANË	Instituti të mbetet në varësi të MTKRS dhe të reformohet për të mbështetur më mirë turizmin kulturor.	
<u>MTKRS</u> 23. QENDRA KËRKIMORE SHKENCORE E SPORTIT, TIRANË	Të kalojë tek Akademia e Sporteve për të nxitur zhvillimin e kërkimit shkencor pranë Akademiës.	Akademia e Sporteve t'i krijojë mundësi integrimi Qendrës në procesin mësimor.